



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LIX. Gregorii Papae I. Ad Brvnichildem Reginam Francorvm. Vt
suam Augustino in Angliam eunti, & Candido rectori patrimonii, tuitionem
& auxilium impendat.

urn:nbn:de:hbz:466:1-15221

EPISTOLA LIX.

GREGORII PAPÆ I.

AD BRVNICHILDEM REGINAM FRANCORVM.

Vt suam Augustino in Angliam eunti, & Candido
rectori patrimonii, tuitionem & auxilium
impendat.

Gregorius Brunichildæ reginæ Francorum.

EXCELLENTIÆ vestræ Christianitas ita nobis veraciter olim innotuit, vt de bonitate eius nullatenus dubitemus; sed magis certum modis omnibus teneamus, quia in causa fidei deuote & studiose concurrat, & religiosæ sinceritatis suæ solatia copiosissime subministret. Ex qua re bene confidentes, paterna caritate salutantes indicamus ad nos peruenisse Anglorum gentem Deo annuente velle fieri Christianam, sed sacerdotes qui in vicino sunt pastoralem erga eos solicitudinem non habere. **Quorum** ne animæ in æterna damnatione valeant deperire, curæ nobis fuit præsentium portitorem Augustinum seruum Dei, cuius zelus & studium bene nobis est cognitum, cum aliis seruis Dei illuc dirigere, vt per eos potuissimus ipsorum voluntates addiscere, & de eorum conuersione, vobis quoque annitentibus, inquantum est possibile cogitare. **Quibus** etiam iniunximus, vt ad agenda hæc e vicino secum debeant presbyteros ducere. Excellentia ergo Augusti- Anglos vel-
le fieri Chri-
stianos, sed
sacerdotes
Gallia non
subuenire. num igitur
mitti, quem
soueat, ro-
gat. stra, quæ prona in bonis consuevit esse operibus, tam pro nostra petitione, quam etiam diuini timoris consideratione eum dignetur in omnibus habere commendatum, atque ei tuitionis suæ gratiam vehementer impendat, & labori eius patrocinii sui ferat auxilium; & vt plenissime possit habere mercedem, ad suprascriptam Anglorum gentem sua tuitione securum iter prouideat; quatenus Deus noster, qui in hoc sæculo vos bonis sibi placitis decorauit, hic & in æterna requie cum suis vos sanctis faciat gratulari. Præterea dilectum filium nostrum Candidum presbiterum, & patrimoniolum ecclesiæ nostræ, quod illic constitutum est, vestræ Christianitati commendantes, petimus vt tuitionis vestræ gratiam in omnibus consequatur.